



UNIVERSITÄTS-  
BIBLIOTHEK  
PADERBORN

**LEGVM PON||TIFICIARVM GRE-||gorij noni, seu  
Decretalium pentateu-||chus**

**Mesnart, Martin**

**Parisiis, 1555**

xi. De plus petitionibus.

---

[urn:nbn:de:hbz:466:1-63486](https://nbn-resolving.org/urn:nbn:de:hbz:466:1-63486)

## De plus petitionibus

Non tamen propterea restitutor. tantum ab agendo sic obiecta spoliatione repellito.

4. *Super spoliatio-  
ne.*

Super alia quaestione reconuenire restitutione petentem ne permittitor. restitutionis enim petita hoc priuilegium esto: Qui ipsam intentat spoliatoribus ante restitutionem respondere ne cogitor.

Si verò super alia spoliatione reconuentio in actionis modum proposita fiet: mutuae petitiones diuersae sese minimè contingentes censentor. qui prius adpellasit prior agito. quae prius proposita erit prius tractator. In idem iudicium deductae vicissimq; tractatae simul eadem sententia terminantor.

*De plus petitionibus. Tit. II.*

1. *Consiliu*

**Q**ui actionem intentat, prouidentiae consilio vtitor. vt neq; re, neq; causa, neq; loco, neq; tempore plus petat, videto. Cuius in genere, vel sub alternatione debebitur, neq; rem in specie, neq; vnum praecise petito. Cui decem debentur, viginti ne petito, alioquin aduersario in expensas condénator. Alibi quam vbi soluere conuenerit nemo conuenitor. qui hanc utilitatem ita statuto loco soluendi reo adimet, ipsi ad interesse tenetor. debitum ante diem vel conditionem nemo petito. alioquin reo inducie duplicantor. litem, nisi ei soluantur expensae, excipere ne cogitor. Sic plus petenti importunitas, si super petitione sua in iudicio persistent, punitor.